

摛藻堂四庫全書薈要

集部

欽定四庫全書叢要卷一萬八千五十九集部

御定全唐詩卷六百五十四

羅鄴

羅鄴餘杭人累舉進士不第光化中以韋莊奏追賜進士及第贈官補闕詩一卷

歲仗

一作玉帛朝元萬國來雞人曉唱五門開春排北極迎仙馭
日捧南山入壽杯歌舞薰風鏗劍珮祝堯嘉氣靄

樓臺可憐四海車書共重見蕭曹佐漢材

牡丹

落盡春紅始著

一作見

花花時比屋事豪奢買栽池館恐

無地看到子孫能幾家門倚長衢攢繡轂

一作輶

輕幄籠

日護香霞歌鐘滿座

一作對比

爭歡賞宵信流年鬢有華

長城

當時無德御乾坤廣築徒勞萬古存謾役生民防極塞
不知血刃起中原珠璣旋見陪陵寢社稷何曾保子孫

降虜至今猶自說冤聲夜夜傍哭一作城根

秋夕寄友人

秋夕蒼茫一雁過西風白露滿宮莎昨來京洛逢歸客
猶說軒車未渡河莫把少年空倚賴須知孤立易蹉跎
想君懷抱哀吟夜銅雀臺前皓月多

冬夕江上言事五首

落葉纔悲草又生看看少壯是哀形關中秋雨書難到
江上春寒酒易醒多少繫心身未達尋思舉目淚堪零

幾時拋得歸山去松下看雲讀道經

喔喔晨雞滿樹霜喧喧曉渡簇舟航數星昨夜寒爐火
一陣誰家臘瓮香久別羈孤成潦倒廻看書劍更蒼黃
逢人舉止皆言命至竟謀閒可勝忙

野堂吟罷獨行行點水微微凍不鳴十里溪山新雪後
千家襟袖曉寒生只宜醉夢依華寢可稱羸蹄赴宿程
日苦幾多心一作言下見那堪歲晏又無成

僻居多與懶相宜吟擁寒爐過臘時風柳欲生陽面葉

凍梅先綻嶺頭枝山川自小拋耕釣骨肉無因免別離
賴有陶情一尊酒愁中相向展愁眉

一帶長溪綠浸門數聲幽鳥啄雲根松亭盡日唯空坐
難得儒翁共討論

春日宿崇賢里

柳暗榆飛春日深水邊門巷獨來尋舊山共是經年別
新句相逢竟夕吟枕近禁街聞曉鼓月當高竹見棲禽
勞歌莫問秋風計恐起江河垂釣心

征人

青樓一別戍金微 力盡秋來破虜圍
錦字莫辭連夜織 塞鴻長是到春歸
正憐漢月當空照 不奈胡沙滿眼飛
唯有夢魂南去日 故鄉山水路依稀

鶯

暖辭雲谷背殘陽 飛下東風翅漸長
却笑金籠是羈絆 岂知瑤草正芬芳
曉逢溪雨投紅樹 晚轉宮樓泣舊妝
何事離人不堪聽 瀉橋斜日裏垂楊

槐花

行宮門外陌銅駝兩畔分栽此最多
欲到清秋近時節爭開金藥向闊河層樓寄恨飄珠箔
駿馬憐香撼玉珂愁殺江湖隨計者年年為爾剝奔波

自蜀入關

文戰連輸未息機東書攜劍定前非近來從聽事難得
休去且無山可歸足馬出門還悵望孤雲何處是因依
斜陽驛路西風緊遙指人煙宿翠微

上陽宮

春半上陽花滿樓太平天子昔巡遊千門雖對一作列嵩

山在一笑還隨洛水流深鎖笙歌巢燕聽遙瞻金碧路

人愁翠華却自登

一作返昇仙去腸斷

一作長使宮城望不休

舊侯家

臺閣層層倚半空遠軒澄碧御溝通金鈿座上歌春酒
畫蠟尊前滴曉風歲月不知成隙地子孫誰更繫殊功
人間若筭無榮辱却是扁舟一釣翁

宿武安山有懷

野店暮來山畔逢寒蕪漠漠露華濃窗間燈在犬驚吠
溪上月沈人罷春遠別只愁添雪鬢此生何計隱雲峯
離心却羨南飛翼獨過吳江更數重

謁甯祠

春生溪嶺雪初閉下馬雲亭酌一杯好是精靈偏有感
能於鄉里不為災九江賈客應遙祝五夜神兵數此來
盡室唯求多降福新年歸去便風催

經故洛城

一本此下有
有感二字

一片危牆勢恐人
牆邊日日走蹄輪
築時驅盡千夫力
崩處空為數里塵
長恨往來經此地
每嗟興廢欲霑巾
那堪又向荒城過
錦雉驚飛麥隴春

老將

百戰辛勤歸帝鄉
南班班裏最南行
弓欺狡臂秋無力
劍泣虬髯曉有霜
千古耻非書玉帛
一心猶自向河湟
年年宿衛天顏近
曾把功勲奏建章

曲江春望

故國東歸澤國遙，曲江晴望憶漁樵。
都緣北闕春先到，不是南山雪易消。
瑞影玉樓開組繡，歡聲丹禁奏雲韶。
雖然未得陪鴛鷺，亦酌金觴祝帝堯。

帝里

喧喧蹄轂走紅塵，南北東西暮與晨。
謾道青雲難得路，何曾紫陌有閒人。
杯傾竹葉侯門月，馬落桃花御水春。
只合詠歌來大國，況逢文景化惟新。

新安城

若筭防邊久遠名新安豈更勝長城謾與他役悲荒壘
何似從今實取兵聖德便應同險固人心自不向忠貞
但將死節酬堯禹版築無勞寇已平

自遣

四十年來詩酒徒一生緣興滯江湖不愁世上無人識
唯怕村中沒酒沽春巷摘桑喧姹女江船吹笛舞蠻奴
焚魚酌醴醉堯代吟向席門聊自娛

流水

漾漾悠悠幾派分中浮短艇與鷗羣天街帶雨淹一作含

芳草玉洞漂花下白雲靜稱一竿持處見急宜一作愁孤

館覺來聞隋家柳畔偏堪恨東入長淮日又曛

送張逸人

自說歸山人事賒素琴丹竈是生涯牀頭殘藥鼠偷盡
溪上破門風擺斜石井晴垂青葛葉竹籬荒映白茅花
遙知此去應稀出獨卧晴窗夢曉霞

春晚渡河有懷

煙收綠野遠連空戍壘依稀入望中萬里山河星拱北
百年人事水歸東扁舟晚濟桃花浪走馬晴嘶柳絮風
鄉思正多羈思苦不須回首問漁翁

春望梁石頭城

柳碧桑黃破國春殘陽微雨望歸人江山不改興亡地
冠蓋自為前後塵帆勢掛風輕若翅浪聲吹岸疊如鱗
六朝無限悲愁事欲下荒城回首頻

早發宜陵即事

霜白山村月落時一聲雞後又登歧居人猶自掩關在
行客已愁驅馬遲身事不堪空感激鬚毛看著欲凋衰
青萍委匣休哮吼未有恩讐擬報誰

鴛鴦

紅間

一作江雲

碧靄

一作靜

瑞煙

開錦翅雙飛

一作雙雙

去又

迴一種鳥憐名字好盡

一作祇

緣人恨別離來暖依牛渚

汀莎媚夕宿龍池禁漏催相對若教春

一作秦

女見便須

攜向一作同上鳳凰臺

春閨

愁坐蘭閨日過遲
卷簾巢燕美雙飛
管弦樓上春應在
楊柳橋邊人未歸
玉笛豈能留舞態
金河猶自浣戎衣
梨花滿院東風急
惆悵無言倚錦機

贈東川梓桐縣韋德孫長官

前代高門今宰邑
懷才重義古來無
笙歌厭聽吟清句
京洛思歸展畫圖
蜀醞天寒留客醉
隴禽山曉隔簾呼

何年期拜朱幡貴馬上論詩在九衢

題水簾洞

亂泉飛下翠屏中名共真珠巧綴同一片長垂今與古
半山遙聽水兼風雖無舒卷隨人意自有潺湲濟物功
每向暑天來往見疑將仙子隔房櫳

野花

拂露叢開血色殷枉無名字對空山時逢舞蝶尋香至
少有行人輒櫂攀若在侯門看不足為生江岸見如閒

結根畢竟輸桃李長近都城紫陌間

蘆花

如練如霜乾復輕西風處處拂江城長垂釣叟看不足
暫泊王孫愁亦生好傍翠樓裝月色枉隨紅葉舞秋聲
最宜羣鷺斜陽裏閒捕纖鱗傍兩行

山陽貽友人

性僻多將雲水便山陽酒病動經年行遲暖陌花攔馬
睡重春江雨打船閒弄玉琴雙鶴舞靜窺庭樹一猱懸

結茅莫更期深隱聲價如今滿日邊

長安惜春

千門共惜故春迴半鎖樓臺半復開公子不能留落日
南山遮莫倚高臺殘紅似怨皇州雨細綠猶藏畫蠟灰
畢竟思量何足歎明年時節又還來

謝友人遺華陽巾

剪露裁煙勝角冠來從玉洞五雲端醉宜薤葉敲斜影
穩稱菱花子細看野客愛留籠鶴髮溪翁爭乞配漁竿

真仙首飾勞相寄塵土飄慙戴去難

早梅

綴雪枝條似有情凌寒澹注笑妝成凍香飄處宜春早
素艷開時混月明遷客嶺頭悲裏裏美人簾下妬盈盈
滿園桃李雖堪賞要且東風晚始生

留題張逸人草堂

一作杜牧詩

長懸青紫與芳枝塵路無因免別離馬上多於在家日
尊前堪惜少年時關河客夢還鄉後雨雪山程出店遲

却羨高人此中一作終老軒車過盡不知誰

鍾陵崔大夫罷鎮攀隨再經匡廬寺宿

一拋文戰學從公兩逐旌旗宿梵宮酒醒月移窗影畔
夜涼身在水聲中侯門聚散真如夢花界登臨轉悟空
明發不堪山下路幾程愁雨又愁風

留獻彭門郭常侍

受得彭門擁信旗一家將謂免羈離到來門館空歸去
羞向交親說受知層構尚無容足地尺波寧有躍鱗時

到頭忍耻求名是須向青雲覓路歧

洛水

一道潺湲濺暖莎年年惆悵是春過莫言行路聽如此
流水深宮悵更多橋畔月來清見底柳邊風緊一作綠去
生波縱然滿眼添歸思未把漁竿奈爾何

聞杜鵑

花時一宿碧山前明月東風叫杜鵑孤館覺來聽夜半
羸僮相對亦無眠汝身哀怨猶如此我淚縱橫豈偶然

爭得蒼蒼知有恨汝身成鶴我成仙

赴職單于留別闕下知己

職忝翩翩逐建牙箇隨征騎入胡沙定將千里書憑雁
應看一春雪當花年長有心終報國時清到處便管家
逢秋不擬同張翰為憶鱸魚却歎嗟

落第書懷寄友人

清世誰能便陸沈相逢休作憶山吟若教仙桂在平地
更有何人宵苦心去國漢妃還似玉亡家石氏豈無金

且安懷抱莫惆悵瑤瑟調高尊酒深

鸚鵡詠

玉檻瑤軒任所依東風休憶嶺頭歸金龍共惜好毛羽
紅觜莫教多是非便向却堂誇飲啄還應禰筆發光輝
乘時得路何須貴燕雀鸞鳳各有機

題滄浪峽

門向紅塵日日開入門襟袖遠塵埃一作晴香惹步澗花
發晚景逼簷溪鳥迴不為市朝行路近有誰車馬看

山來可憐嚴子持竿處雲水終年鎖綠苔

白角簾

疊玉駢珪巧思長露華煙魄讓清光休搖雉尾當三伏似展龍鱗在一床高價不唯標越絕冷紋疑似臥瀟湘杜陵他日重歸去偏稱醉眠松桂堂

秋日懷江上友人

行子豈知煙水勞西風獨自泛征艘酒醒孤館秋簾卷月滿寒江夜笛高黃葉夢餘歸朔塞青山家在極波濤

去年今日逢君處雁下蘆花磼正號

題笙

筠管參差排鳳翅月堂淒切勝龍吟最宜輕動纖纖玉
醉送當觀灑灑金緹嶺獨能徵妙曲羸臺相共吹清音
好將宮徵陪歌扇莫遣新聲鄭衛侵

下第

謾把青春酒一杯愁襟未寧一作寧信酒灑一作灑能開江邊依
舊空歸去帝里還如一作唯不到來門掩殘陽鳴一作唯鳥

雀花飛何處好池臺此時惆悵便堪老何用人間歲月

催

秋晚

殘星殘月一聲鐘

谷一作際
嚴隈一作根

爽氣濃不向碧

臺驚醉夢但來清鏡促愁容

繁金露潔黃籠一作泣

獨翠煙凝遠澗松閒步幽林與苔徑漸移栖鳥及

一作荒蘿

菊

鳴蛩

長安春夕旅懷

幾年栖旅寄西秦，不識花枝醉。過春短，艇閒思五湖浪。
贏蹄愁傍九衢塵，闊河風雨迷歸夢。鐘鼓朝昏老此身，
忽向太平時節過。一竿持去老遺民。

洛陽春望

洛陽春霽絕塵埃，嵩少煙嵐畫障開。草色花光惹襟袖，
簫聲歌響接樓臺。人心便覺閒多少，馬足方知倦往來。
愁上中橋橋上望，碧波東去夕陽催。

惜春

燕歸巢後即離羣吟倚東風恨日曛一別一年方見我
遊來遊去一作愁_{來愁去}不禁君鶯花御苑看將盡絲竹侯家

亦少聞獨坐南樓正最_{一作}惆悵柳塘花飛_{一作}絮更紛紛

冬日旅懷

烏焰纔沈桂魄生霜階擁褐暫吟行閒思江市白醪滿
靜憶僧窗綠綺橫塵土自憐長失計雲帆尤覺有歸情
幾多悵望無窮事空畫爐灰坐到明

春夕寄友人時有與歌者南北

芳徑春歸花半開碧山波暖雁初迴滿樓月色還依舊
昨夜歌聲自不來愁眼向誰零玉筋征蹄何處駐紅埃
中宵吟罷正惆悵從此蘭堂鎖綠苔

春夜赤水驛旅懷

一星殘燭照離堂失計遊心歸渺茫不自尋思無道路
為誰辛苦競時光九衢春色休回首半夜溪聲正夢鄉
却羨去年買山侶月斜漁艇倚瀟湘

春山一作夜山館旅懷

山館吟餘山月斜東風搖曳拂窗花
豈知驅馬無閒日長在他人後
到家孤劍向誰開壯節流年催
我自堪嗟燈前結束又前去曉出石林啼亂鴉

秋夕旅懷

階前月色與蛩聲階上愁人坐復行秦谷入霜空有夢
越山無計可歸耕窮途若遣長堪慟華髮無因宵晚生
不似扁舟釣魚者免將心事算浮榮

春過白遙嶺

鳥道穿雲望峽遙
羸蹄經宿在巖堦
到來山下春將半
上得林端雪未消
返駕王尊何足歎
哭途阮籍謾無聊
未知遇比恓惶者
泣向東風鬢欲凋

洪邁取前四句為絕句

別夜

第七句缺三字

秋入江天河漢清迢迢
鐘漏出孤城金波千里別來夜
玉筋兩行流到明若在人間
須有恨除非禪伴始無情
人間誰有聚散自然惆悵生

費拾遺書堂

滿袖歸來天桂香
紫泥重降舊書堂
自憐輦帶同巢許
不駕蒲輪佐禹湯
怪石盡含千古秀
奇花多吐四時芳
何人更宵追高躅
唯有樵童戲蘚床

溪上春望

無端溪上看蘭橈
又是東風斷柳條
雙鬢多於愁裏鑄
四時須向醉中銷
行人駿馬嘶香陌
獨我殘陽倚野橋
吟水詠山心未已
可能終不勝漁樵

獻池州庾員外

曾降瑤緘薦姓名攀雲幾合到蓬瀛須存彭壽千年在
終見茅公九轉成鯢海已知勞鶴使螢窗不見夢霓旌
琪花玉蔓應相笑未得歌吟從酒行

春風

每歲東來助發生舞空悠颺偏寰瀛暗添芳草池塘色
遠邁高樓簫管聲簾透驪宮偏帶恨花催上苑剝多情
如何一瑞車書日吹取青雲道路平

冬日寄獻庾員外

曾謁仙宮最上仙。西風許醉桂花前。
爭歡酒榦浮金爵。從聽歌塵撲翠蟬。
秋霽捲簾凝錦席。夜闌吹笛稱江天。
却思紫陌觥籌地。免缺烏沈欲半年。

釣翁一作鄭谷詩

來往煙波非定居。生涯蓑褐一作笠。
外無餘閒垂兩鬢。任如鶴只繫一作祇把。
一竿時得釣一作魚。月浦扣船歌皎潔雨。
蓬隈岸卧蕭疏。行人誤話金張貴。笑指北邙丘與墟。

聞友人入越幕因以詩贈

稽嶺春生酒凍銷煙鬟紅一作青袖恃嬌饒岸一作峰邊叢

雪晴香老波上長虹晚影遙一作搖正哭阮途歸未得更

聞江筆赴嘉招人間榮瘁真堪恨坐想征軒鬓欲一作未凋

東歸

日日唯憂行役遲東歸可是有家歸都緣桂玉無門住

不筭山川去路危一作非秦樹夢愁黃一作春鳥轉吳江釣

憶重一作錦鱗肥桃天李一作杏艷清明近惆悵當年一作時

意盡違

入闕

古道槐花滿樹開
入闕時節一蟬催
出門唯恐不先到
當路有誰長待來
似箭年光還可惜
如蓬生計更堪哀
故園若有漁舟在
應掛雲帆早箇迴

覽陳不卷

雪宮詞客燕宮遊
一軸煙花象外搜
謾把蜀紋當畫展
徒誇湘碧帶春流
吟時致我寒侵骨
得處疑君白盡頭
從北南歸明月夜
嶺猿灘鳥更悠悠

巴南旅舍言懷

萬浪千巖首未回無憫相倚上高臺家山如畫不歸去
客舍似讐誰遣來紅淚罷窺連曉燭碧波休引向春一
風一作風孟後時若有青雲望何事偏教羽翼推

登凌歛臺

高臺今日一作古竟一作境長閒因想興亡自慘顏四海已

歸新雨露六朝空認舊江山槎翹獨鳥沙汀一作汀洲畔風

邇連檣雪浪間一作風亞荒好是輪蹄來往便誰人不

襟雨雪間

向此躋攀

僕射陂晚望

離人到此倍堪傷
陂水蘆花似故鄉
身事未知何日了
馬蹄唯覺到秋忙
田園牢落東歸晚
道路辛勤北去長
却羨無愁是沙鳥
雙雙相趁下斜陽

芳草

廢苑牆南殘雨中
一作淺似袍顏色正
蒙茸微香暗惹遊
人步遠綠纔分鬪
雉蹤三楚渡頭長
恨見五侯門外却

難逢年年縱有春風便馬跡車輪一萬重

秋日留題蔣亭一作山

西風纔起一蟬鳴便筭關河馬上程碧浪鷁舟從此別
丹霄鵠箭忍一作忽無成二年芳思隨雲雨幾日一作離歌

戀一作望旆旌回首橫塘更東望露荷煙菊倍傷情

早發

一點燈殘酒醒已攜孤劍事離程愁看飛雪聞雞唱
獨向長空背雁行白草近關微有路一作露濁河連底凍

無聲比中來往本迢遞况是驅羸客塞城

雁二首

暮天新雁起汀洲紅蓼花開水國愁想得故園今夜月
幾人相憶在江樓

早背胡霜過戍樓又隨寒日下汀洲江南江北多離別
忍報年年兩地愁

螢二首

水殿清風玉戶開飛光千點去還來無風無月長門夜

偏到階前點綠苔

襄回無燭冷無煙秋逕莎庭入夜天休向書窗來照字

近來紅蠟滿歌筵

看花

花開只恐看來遲及到愁如未看時家在楚鄉身在蜀
一年春色負歸期

柳絮

處處東風撲晚陽輕輕醉粉落無香就中堪恨隋堤上

曾惹龍舟舞鳳凰

雲

紛紛靄靄遍江湖
得路爲霖豈合無莫使悠颺只如此
帝鄉還更暖蒼梧

芳草

曲江岸上天街裏
兩地縱生車馬多不似一作萋萋南浦
見晚來煙雨半相和

出都門

青門春色一花開長到花時把酒杯自覺無家似潮水
不知歸處去還來

宮中二首

芳草長含玉輦塵君王遊幸此中頻今朝別有承恩處
鸚鵡飛來說似人

雖然自小屬梨園不識先皇玉殿門還是當時歌舞曲
今來何處最承恩

河湟

河湟何計絕烽煙
免使征人更戍邊
盡放農桑無一事
遣教知有太平年

聞子規

蜀魄千年尚怨誰
聲聲啼血向花枝
滿山明月東風夜
正是愁人不寐時

望仙

一本有臺字

千金壘土望三山
雲望一作鶴無蹤羽衛還
若說神仙求
便得茂陵何事在
一作隔人間

放鷓鴣

好傍青山與碧溪刺桐毛竹

一作羽

待雙栖花時遷客傷

離別莫向相思樹上啼

驪山

風搖巖桂露聞香白鹿驚時出繞牆不向驪山鎖宮殿
可知仙去是明皇

梅花

繁如瑞雪壓枝開越嶺吳溪免用裁却是五侯家未識

春風不放過江來

雞冠花

一枝穠艷對秋光
露滴風搖倚砌傍
曉景乍看何處似
謝家新染紫羅裳

汴河

煬帝開河鬼亦悲
生民不獨力空疲
至今嗚咽東流水
似向清平怨昔時

渡江有感

岸落殘紅錦雉飛渡江船上夕陽微一枝猶負平生意
歸去何曾勝不歸

題終南山僧堂

九衢終日見南山名利何人宵掩關唯有吾師達真理
坐看霜樹老雲間

大散嶺

過往長逢日色稀雪花如掌撲行衣嶺頭却望人來處
特地身疑是鳥飛

嘉陵江

嘉陵南岸雨初收江似秋風不然流比地終朝有行客
無人一為櫂扁舟

早行

雨灑江聲風又吹扁舟正與睡相宜無端戍鼓催前去
別却青山向曉時

黃河曉渡

大河平野正窮秋羸馬羸僮古渡頭昨夜蓮花峰下月

閑簾相伴到明愁

溫泉

一條春水漱莓苔
幾繞玄宗浴殿回
此水貴妃曾照影
不堪流入舊宮來

秋怨

夢斷南窗啼曉鳥
新霜昨夜下庭梧
不知簾外如珪月
還照邊城到曉無

歎別

北來南去幾時休人在光陰似箭流直待江山盡無路
始因拋得別離愁

送春

欲別東風剩黯然亦知春去有明年世間爭那人先老
更對殘花一醉眠

蠟燭

煖香紅焰一時燃緹幕初垂月落天堪恨蘭堂別離夜
如珠似淚滴樽前

陳宮

白玉尊前紫桂香迎春閣上燕雙雙陳王半醉貴妃舞
不覺隋兵夜渡江

水簾

萬點飛泉下白雲似簾懸處望疑真若將比水為霖雨
更勝長垂隔路塵

賞春

一作芳草一作春遊鬱然有懷賦

芳草和烟煖更青閒門要路一時平年年點檢人間事

唯有春風不世情

歎平泉

一作傷
平泉莊

生前幾到比亭臺尋歎投荒去不回若遣春風會人意
花枝盡合向南開

長安春雨

兼風颶颶灑皇州能滯輕春一作寒阻勝遊半夜五侯池
館裏美人驚起為花愁

駕蜀回

上皇西幸却歸秦花木依然滿禁春唯有貴妃歌舞地

月明空殿鎖香塵

吳王古宮井二首

古宮荒井曾平後見說耕人又鑿開拾得玉釵鑄勅字
當時恩澤賜誰來

含青薜荔隨金甃碧砌磷磷生綠苔莫言數尺無波水
曾與如花竝照來

江帆

別離不獨恨蹄輪渡口風帆發更頻何處青樓方凭檻

半江斜日認歸人

為人感贈

歌舞從來最得名如今老寄洛陽城當時醉送龍驤曲

留與誰家唱月明

春江恨別

望斷長川一葉舟可堪歸路更沿流重來別處無人見

芳草斜陽滿渡頭

歎流水二首

人間莫虛謾惜花落花落明年依舊開却最堪悲是

流水便同人事去更一作無迴

龍躍虬蟠旋作潭繞紅濺綠下東南春風散入侯家去

漱齒花前酒半酣

落第東歸

年年春色獨懷羞彊向東歸懶舉頭莫道還家便容易
人間多少事堪愁

鏡

昔歲相知一作宜 別有情幾一作四十 迴磨拭始將行如今老

去一作漸老 愁無限抱一作把

向閒窗却怕明

南行

臘晴江煖鷗鷺飛梅雪香粘越女衣魚市酒村相識徧
短船歌月醉方歸

公子行

金雕一作鞍玉勒照花明過後春一作香 風特地生半醉五

侯門裏出月高猶在禁街行

春日偶題城南韋曲

韋曲城南錦繡堆千金不惜買花栽誰知豪貴多羈束
落盡春紅不見來

上東川顧尚書

輕財重義真公子長策沈機繼武侯龍節坐持兵十萬
可憐三蜀盡無憂

過王濬墓

埋骨千年近路塵路傍碑號晉將軍當時若使無功業
早箇耕桑到此墳

灞上感別

灞水何人不別離無家南北倚空悲十年北路花時節
立馬霑襟酒一卮

春日與友人話別

酌坐對芳草東風吹旅衣最嫌驅馬倦自未有山歸華
髮將時逼青雲計又非離襟一霑灑回首正殘暉

竹

翠葉纔分細細枝清陰猶未上階墀蕙蘭雖許相依日
桃李還應笑後時抱節不為霜霰一作雪改成林終與鳳

凰期渭濱若更徵賢相好作漁竿繫釣絲

邊將

馬上乘秋欲建勲飛狐夜鬪出師頻若無紫塞烟塵事
誰識青樓歌舞人戰骨沙中金鏃在賀筵花畔玉盤新
由來邊卒皆如此只是君門合殺身

巴南旅泊

巴山慘別魂巴水徹荆門此地若重到居人誰復存落帆紅葉渡駐馬白雲村却羨南飛雁年年到故園

河上逢友人

知君意不淺立馬問生涯薄業無歸地他鄉便是家宵吟憐桂魄朝起怯菱花語盡黃河上西風日又斜

偶題離亭

萬般名利不關身况待山平海變塵五月波濤爭下峽

滿堂金玉為何人謾誇浮世青雲貴未盡離杯白髮新
誰似雨蓬蓬底客渚花汀鳥自相親

夏晚望嵩亭有懷

正憐雲水與心違湖上亭高對翠微盡日不妨憑檻望
終年未必有家歸青蟬漸傍幽叢噪白鳥時穿返照飛
此地久愁無計住一竿何處是因依

途中寄友人

秋庭悵望別君初折柳分襟十載餘相見或因中夜夢

寄來多是隔年書
攜樽座外花空老
垂釣江頭柳漸疎
裁得詩憑千里雁
吟來寧不憶吾廬

傷侯第

世間榮辱半相和
昨日權門今雀羅
萬古明君方納諫
九江遷客更應多
碧池草熟人偷釣
畫戟春閒鶯亂過
幾許樂僮無主後
不離隣巷教笙歌

春日過壽安山館

舊國多將泉石親
西遊愛此拂行塵
簾開山色離亭午

步入松香別島春誰宵暫安耕釣地相逢謾歎路岐身
歸期不及桃花水江上何曾鱠雪鱗

吳門再逢方干處士

天上高名一作才世上身垂綸何不駕蒲輪一朝卿相俱
前席千古篇章冠後人稽嶺不歸空挂夢吳一作燕宮相
值欲霑巾吾王若致昇平化可獨成周只渭濱

蟬

纔入新秋百感生就中蟬噪最堪驚能催時節凋雙鬓

愁到一作對江山聽一聲不傍管弦拘醉態偏依楊柳撓
引離情故園聞處猶惆悵况是經年萬里行

秋日留別義初上人

塞寺窮秋別遠師西風一雁倍傷悲每嗟塵世長多事
重到禪齋是幾時霜嶺自添紅葉恨月溪休和碧雲詞
關河回首便千里飛錫南歸詎可知

夏日宿靈巖寺宗公院

寺入千巖石路長孤吟一宿遠公房臥聽半夜杉壇雨

轉覺中峰枕簟涼
花界已無悲喜念
塵襟自足是非妨
他年縱使重來此
息得心猿鬓已霜

冬日廟中書事呈棲白上人

日高荒廟掩雙扉
杉逕無人鳥雀悲
昨日江湖一作湖起
歸思滿窗風雨覺
來時何堪身計長
如此閒盡爐灰却
是疑賴有碧雲吟句
客禪餘相訪說新詩

夏日題遠公北閣

危閣壓山岡
晴空疑鳥行
勝搜花界盡
響益梵音長
有

月堪先到無風亦自涼人煙紛繞繞諸樹共蒼蒼榻懲
高樓語甌憐畫茗香此身閑未得驅馬入殘陽

秋蝶二首

秦樓花發時秦女笑相隨及到秋風日飛來欲問誰
似厭栖寒菊翩翩占晚陽愁人如見此應下淚千行

秋別

別路垂陽柳秋風淒管弦青樓君去後明月為誰圓

共友人看花

愁將萬里身來伴看花人何事獨惆悵故園還又春

行次

終日長程復短程一山行盡一山青路傍君子莫相笑
天上由來有客星

鳳州北樓

城上層樓北望時閒雲遠水自相宜人人盡道堪圖畫
枉遣山翁醉習池

贈僧

繁華舉世皆如夢今古何人宵暫間唯有東林學禪客

白頭閒坐對青山

欽定四庫全書


御定全唐詩

卷六百五十四


御定全唐詩卷六百五十四

謹案卷六百五十三第十二頁後一行花底垂鞭

日易曛刊本曛訛曛據別本改



金匱要略



總校官庶吉士臣張能照
校對官檢討臣蕭九成
謄錄監生臣劉天蒼

欽定四庫全書
薈要卷一萬八千六十集部

集部

御定全唐詩卷六百五十五

羅隱

羅隱字昭諫餘杭人本名橫十上不中第遂更名從事
湖南淮潤無所合久之歸投錢鏐累官錢塘令鎮海軍
掌書記節度判官鹽鐵發運副使著作佐郎奏授司勲
郎朱全忠以諫議大夫召不行魏博羅紹威推為叔父
表薦給事中年七十七卒隱少聰敏既不得志其詩以

風刺為主有歌詩集十四卷甲乙集三卷外集一卷今

編詩十一卷

曲江春感

一題作
歸五湖

江頭日暖花又開江東行客心悠哉高陽酒徒半彫落
終南山色空崔嵬聖代也知無棄物侯門未必用非才
一船明月一竿竹家住一作在五湖歸去來

皇波

皇波激灔深復深波西下馬聊登臨垂楊風輕弄翠帶

鯉魚日暖跳黃金
三月窮途無勝事
十年流水見歸心

輸他谷口鄭夫子
偷得閒名說

一作直

至今

寄鄭補闕

夫子門前數仞牆
每經過處憶遊梁
路從青瑣無因見
恩在丹心不可忘
未必便為讒口隔
只應一作因貪草諫
書忙別來愁悴知
多少兩度槐花馬上黃

牡丹花

似共東風

一作君

別有因絳羅高捲不勝春
若教解語應

傾國任是無情亦一作也動人芍藥與君為近侍芙蓉何

處避芳塵可憐韓令功成後辜負穠華過此身

黃河

莫把阿膠向此傾此中天意固難明解通銀漢應須曲
纔出崑崙便不清高祖誓功衣帶小仙人占斗客槎輕
三千年後知誰在何必勞君報太平

汴河

當時天子是閒遊今日行人特地愁柳色縱饒妝故國

水聲何忍到揚州
乾坤有意終難會
黎庶無情豈自由
應笑秦皇用心錯
謾驅神鬼海東頭

西京崇德里居

進乏梯媒退又難
強隨豪貴殢長安
風從昨夜吹銀漢
淚擬何門落玉盤
拋擲紅塵應有恨
思量仙桂也無端
錦鱗賴尾平生事
却被閒人把釣竿

投所思

顧賴長安何所為
旅魂窮命自相疑
滿川碧嶂無歸日

一榻紅塵有淚時雕琢只應勞郢匠膏肓終恐誤秦醫
浮生七十今三十從此悽惶未可知

經張舍人舊居

一題作河中經故
翰林張舍人所居

行塵不是昔時塵謾向朱門憶侍臣一榻已無閒眼處
九泉應有愛才人文餘吐鳳他一作當年詔樹想棲鸞舊

日春從此恩深轉一作恩更難報夕陽衰草淚一作獨沾巾

雒城作

大鹵旌旗出洛濱此中煙月已埃塵更無樓閣尋行處

只有山川識野人早得鑄金誇范蠡旋聞垂釣哭平津

舊遊難得時難遇迴首空城百草春

姑蘇城南湖陪曹使君遊

水蓼花紅稻穗黃使君蘭棹汎迴塘倚風荇藻先開路
迎旆鳬鷺盡著行手裏一作內兵符神與術腰間金印綵
為囊少年太守勲庸盛應笑燕臺兩鬢霜

秋日有寄姑蘇曹使君

多病無因櫂小舟闔閭城下謁名侯水寒不見雙魚信

風便惟聞五袴謳早說用兵長暗合近傳觀稼亦閒遊
須知謝奕依前醉閒阻清談又一秋

送章碣赴舉

革鹿歌中別酒催粉闌星彩動昭回久經罹一作離亂心

應破乍覩昇平眼漸開顧我昔年悲玉石憐君今日蘊
風雷龍門盛事無因見費盡黃金老隗臺

寄楊秘書

湖水平來見鯉魚偶因烹處得瓊琚披尋藻思千重後

吟想冰光萬里餘漳浦病來情轉薄赤城吟苦意何如

錦衣公子憐君在十載兵戈從板輿

往年進士趙能卿嘗話金庭勝事見示敘

會稽詩客趙能卿往歲相逢話石城正恨故人無上壽
喜聞良宰有高情山朝佐命層層聳水接飛流步步清
兩火一刀罹亂後會須乘興雪中行

得宣州竇尚書書因投寄二首

雙魚迢遞到江濱傷感南陵

一作南陽舊主人萬里朝臺
感陵

勞寄夢十年侯國阻趨塵尋知亂後嘗辭祿共喜閒來
得養神時見齊山敬亭客不堪戎馬戰征頻

曾逐旌旗過板橋世途多難竟蓬飄步兵校尉辭公府
車騎將軍憶本朝醉裏舊遊還歷歷病中衰鬢奈蕭蕭
遺簪隨履應留念門客如今只下僚

雪

細玉羅紋下碧霄杜門顏一作傾村落偏饒巢居只恐高
柯折旅客愁聞去路遙撼凍野蔬和粉重埽庭松葉帶

酥燒寒窗呵筆尋詩句一片飛來紙上銷

暇日有寄姑蘇曹使君兼呈張郎中郡中賓僚

嘉植一作樹

陰陰覆劍池此中能政動神祇湖邊觀稼雨

迎馬城外犒軍風滿旗融酒徒誇無算爵儉蓮還少最

高枝珊瑚筆架真珠履曾和陳王幾首詩

寄右省王諫議

耳邊要靜不得靜心裏欲閒終未閒自是宿緣應有累

可能時一作世事更相關魚慙張翰辭東府鶴怨周顥負

北山看却金庭芝
未老又驅車入七人班

焚書坑

千載遺蹤一窖塵
路傍耕者亦傷神
祖龍算事渾乖角
將謂詩書活得人

始皇陵

荒堆無草樹無枝
嫩向行人問昔時
六國英雄漫多事
到頭徐福是男兒

送沈先輩歸送

一作宋上嘉禮第後東歸兼赴嘉

送沈光及

禮

青青月一作仙

桂觸人香白苧衫輕稱沈郎好繼馬卿歸

故里况聞山簡在襄陽盃傾別岸應

一作終須醉花一作草

傍征車漸欲芳擬把金錢贈

一作助

嘉禮不堪栖屑因名

場

春日葉秀才曲江

江花江草暖相隈

一作隈

也向江邊把酒杯春色惱人遮

不得別愁如瘡避還來安排賤跡無良策裨補明時望

重才一曲吳歌齊拍手十年塵眼未曾開

西京道德里

秦樹團團夕結陰此中莊鳥動悲吟一枝丹桂未入手
萬里蒼波長負心老去漸知時態薄愁來唯願酒杯深
七雄三傑今何在休為閒人淚滿襟

憶夏口

漢陽一作江渡口蘭為舟漢陽一作江城下多酒樓當一作芳年不得盡一醉別夢有時還重遊襟帶可憐吞楚塞一作

塞風煙只好狎一作好
是冷江鷗月明更想曾行處吹笛橋

邊木葉秋

武牢關

楚人曾此限封疆不見清陰六里長一壑暮聲何怨望
數峰秋勢自顛狂由來四皓須神伏大抵秦皇謾氣強
欲學雞鳴試關吏太平時節嬾思量

途中獻晉州孟中丞

太平天子念蒲東又委星郎養育功昨日隼旟辭闕下

今朝珠履在河中樓移庾亮千山月樹待袁宏一扇風
不及政成應入拜晉州何足展清通

長安秋夜

遠聞天子似羲皇偶捨漁鄉入帝鄉五等列侯無故舊
一枝仙桂有風霜燈敲短焰燒離鬢漏轉寒更滴旅腸
歸計未知身已老九衢雙闕夜蒼蒼

春晚寄鍾尚書

宰府初開忝末塵四年談笑隔通津官資肯使矜中路

酒醕還應憶故人江畔舊遊秦望月檻前公事鏡湖春

如今莫問西禪一作城塢一炷寒香老病身

秋曉一作晚寄友人

洞庭霜落水雲秋又泛輕蓮任去留世界高談今已得
宦途清貴舊曾遊手中綵筆誇題鳳天上泥封獎狎鷗
更見南來釣翁說醉吟還上木蘭舟

秋日有酬

一題作感德敘懷寄上羅鄴王三首餘二在七卷一作寄王師範

舊業傳家有寶一作佩刀近聞餘力一作揮刀更揮毫腰

間印佩
綬一作

綏一作

黃金重

一作
桓貴

卷一

作
七

詩裁

一作
文章

白雪高

譏罷嘉賓迎

鳳藻猶

歸一

作諸將

行問

龍韜

分
卷

不列

土
作一

登壇
甲子
纔三十

猶擬廻

頭賭

李一作錦

所思

梁王兔苑荆榛裏，煬帝雞臺夢想中。
只覺惘然悲謝傅，未知何以報文翁。
生靈不幸台星拆，造化無情世界空。
劃盡寒灰始堪歎，歎滿庭霜葉一窓風。

送魏校書兼呈曹使君

亂離

一作罹

無計駐生涯又事東遊惜歲華村店酒旗沾

竹葉野橋梅雨泊蘆花讐書發跡官雖屈負米安親路
不賒應見使君論世舊埽門重得向曹家

四皓廟

漢惠秦皇事已聞廟前高木眼前雲楚王謾費閒心力
六里青山盡屬君

浮雲

一本題上
無浮字

溶溶曳曳自舒張不向蒼梧即帝鄉莫道無心便無事

也曾愁殺楚襄王

早發

一作行

北去南來無定居此生生計竟何如
酷憐一覺平明睡長被雞聲惡破除

一作鄰雞半夜啼

香

一本題上有詠字上

沈水良材食柏珍博山煙一作爐暖玉樓春憐君亦是無

端物貪作馨香忘却身

鄴城

一本作銅雀臺之二

臺上年年揜翠蛾
臺前高樹夾漳河
英雄亦到分香處
能共常人較幾多

欽定四庫全書

卷六百五十五

十一

御定全唐詩卷六百五十五

欽定四庫全書叢要卷一萬八千六十一

御定全唐詩卷六百五十六

羅隱

七夕

絡角星河菡萏天一家懽笑設紅筵應傾謝女珠璣篋
盡寫檀郎錦繡篇香帳簇成排窈窕金鍼穿罷拜嬋娟
銅壺漏報天將曉惆悵佳期人一作又一年

送臧濬下第謁竇鄜州

賦得長楊不直錢却來京口看鶯遷也知絳灌輕才子
好謁尤一作元常醉少年萬里故鄉雲縹渺一春生計淚
瀾汎多情柱史應相問與話歸心正浩然

清明日曲江懷友

君與田蘇即舊遊我於交分亦綢繆二年隔絕黃一作重
泉下盡日悲涼曲水頭鷗鳥似一作自能齊物理杏花疑
欲伴人愁寡妻稚子應寒食遙望江陵一淚流

送鄭州嚴員外

欲將刀筆潤王猷東去先分聖主憂
滿扇好風吹鄭固一車甘雨別皇州
尚書磧冷鴻聲晚僕射陂寒樹影秋
從此文星在何處武牢關外庾公樓

孫員外赴闕後重到三衢

遠山高樹思悠哉重倚危樓盡一杯
謝守已隨徵詔入魯儒猶逐斷蓬來
地寒謾憶移暄手時急方須濟世才
宣室夜闌如有問可能全忘未然灰

衡陽泊木居士廟下作

一題作題

木居士廟

烏一作鳥噪殘陽草滿庭此中枯木似人形只應神一作鬼

物長為主未必浮槎即有靈八月風波飄不去四時黍稷薦惟馨南朝庾信無因賦牢落祠前水氣腥

鍾陵見楊秀才

一題作見進士楊尋

孺亭滕閣少踟蹰三度南遊一事無祇覺流年如鳥逝不知何處有龍屠一作圖雲歸洪井枝柯斂水下漳一作章江氣色麤賴得與君同此醉醒來一作醒愁被鬼揶揄

自湘川東下立春泊夏口阻風登孫權城

吳門此去逾千里湘浦離來想數旬只見風師長占路
不知青帝已行春危憐壞蝶猶遮水狂愛寒梅欲傍人
事往時移何足問且憑村酒暖精神

春日憶湖南舊遊寄盧校書

旅榜前年過洞庭曾提刀筆事甘寧璫筵離隔將軍幕

朱履頻窺處士星

校書自處士受命兩

恩重匣中孤劍在夢餘江

畔數峰青金炤見服嘉賓散回首昭丘一涕零

賀淮南節度盧員外賜紳

儉蓮高貴九霄聞粲粲朱衣降五雲驄馬早年曾避路
銀魚今日且從軍御題綵一作紺服垂天眷袍展花心透
縠紋應笑當年老萊子鮮華都自降明君

春日獨遊禪智寺

樹遠連天水接空幾年行樂舊隋宮花開花謝一作落還

一作長如此人去人來自不同鸞一作楚鳳調高何處酒吳

牛蹄健滿車風思量只合騰騰醉煮海陳平一作盡夢

中

和淮南李司空同轉運員外

一本題下有送韋士赴四字一作同

轉運盧員外賜絳

層層高閣舊瀛洲此地須徵第一流丞相近年榮一作榮
倚望重才今日喜遨遊榮持健筆金黃貴恨咽離筵管
吹秋誰繼伊臯送行句梁王詩好郢人愁

后土廟

四海兵一作戈尚未寧始于雲外學一作謾勞

淮海寫儀形九

天玄女猶無聖后土夫人豈有靈一帶好雲侵鬢綠雨

層一作行危岫拂眉青韋郎年少知何在一作耽

閒事

端坐思

量

一作案上休看

太白經

金陵夜泊

冷煙輕澹

一作靄雨

傍衰叢此夕秦淮駐斷蓬

樓鴈

一作鳥

遠驚沽酒火亂鷗高避落帆風地銷王氣波聲急山帶

秋陰樹影空六

一作數代

精靈人不見思量應在月明中

上江州陳貞外

寒江九派轉城樓東下鍾陵第一州人自中

一作鍾臺方

貴盛地從西晉即風流舊班久望鶴晴翥餘力猶聞虎
夜浮應恨屬官無健令異時佳節阻閒遊

廣陵開元寺閣上作

滿檻山川漾落暉檻前前事去如飛雲中雞犬劉安過
月裏笙歌煩帝歸江蹙海門帆散去地吞淮口樹相依
紅樓翠幕知多少長向東風有是非

上鄂州韋尚書

往歲先皇馭九州侍臣才業最風流文窮典誥雖餘力

俗致雍熙盡密謀蘭省換班青作綬柏臺前引絳為韞
都緣未負江山興開濟生靈校一秋

早春巴陵道中

遠雪亭亭望未銷岳陽春淺似相饒短蘆冐土初生筍
高柳偷風已弄條波汎洞庭獵獵健谷連荆楚鬼神妖
中流菱唱泊何處一隻畫船蘭作橈

廣陵秋日酬進士臧漬見寄

驛西斜日滿窓前一作蟬獨凭秋欄思渺綿一作然數尺斷

蓬慚故國一輪清鏡泣流年已知世事真徒爾縱有心
期亦偶然空媿荀家兄弟好鴈來魚去是因緣

淮南送李司空朝覲

聖君宵旰望時雍丹詔西來雨露濃宣父道高

一作楚客狂歌

休歎鳳武侯才大本吟

一作猶龍九州似鼎終須負萬物

為銅只待鎔臘後春前更何事便看經度奏東封

秋日禪智寺見裴郎中題名寄韋瞻

野寺疎鐘萬木秋偶尋題處認名侯官離南郡應閒暇

地勝東山想駐留百醆濃醪成別夢兩行垂露漸羈愁
心知只有韋公在更對真蹤話舊遊

廣陵春日憶池陽有寄

煙水濛濛接板橋數年經歷駐征橈醉吟危檣波千頃
愁倚長亭柳萬條別後故人冠獬豸病來知已賞鷁鷀
清流夾宅千家住會待閒乘一信潮

春中一作日湘中題岳麓寺僧舍一作院

蟾宮虎穴兩皆休來凭危欄送遠愁一作秋多事林鶯還

謾語薄情邊鴈不迴頭春融只待一作乾坤醉水濶深

知世界浮欲共高僧話心迹野花芳一作草奈相尤

荒

出試後投所知

此日一作去蓬壺兩日程當時消息甚分明桃須曼倩催

方熟橘待洪崖遣始行島外音書應有意眼前塵土漸

無情莫教一作交更似山西鼠啗破愁腸恨一生

湘南春日懷古

晴江春暖蘭蕙薰鳬鷺苒苒鷗著羣洛陽賈誼自無命

少陵杜甫兼一作偏有文空濶遠帆遮落日蒼茫野樹礙

歸雲松醪酒好照潭靜閒過中流一弔君

江州望廬山

東南蒼翠何崔嵬橫流一望幽抱開影寒已令水底去
脚濶欲過湖心來深處不惟容鬼怪暗中兼恐有風雷
仙人往往今誰在紅杏花香重首迴

金陵寄竇尚書

二年歧路有西東長憶優游楚驛中虎帳談高無客繼

馬卿官傲少人同世危肯使依劉表山好猶能憶謝公
此去此恩言不得謾將閒淚對春風

清溪江令公宅

蠻牋象管夜深時曾賦陳宮第一詩宴罷風流人不見
廢來蹤迹草應知一作鶯憐勝事啼空巷一作谷 懈餘
香舞好枝還有往年金甃井牧童樵叟等閒窺

鄭州獻盧舍人

時本官王令公
收復兩京後

海槎閒暇閬風輕不是安流不肯行雞省露濃湯餅熟

鳳池煙暖詔書成漁籌已合光儒夢一作學堯印何妨且治兵會待兩都收復後右圖儀表左題名

別池陽所居

黃塵初起此留連火耨刀耕六七年雨夜老農傷水旱
雪晴漁父共舟船已悲世亂身須去肯媿途危跡屢遷
却是九華山有意列行相送到江邊

送內使周大夫自杭州朝貢

八一作八都上將近平戎便附輶軒奏聖聰三接一作變駕

前朝觀禮一函江表戰征功雲間闐苑何時見水底瑤
池觸處通知有殿庭餘力在莫辭消息寄西風

酬黃從事懷舊見寄

舊遊不合到心中把得君詩意亦同水館酒闌清夜月
香街人散白楊風長繩繫日雖難絆辨口談天不易窮
世事自隨蓬轉在思量何處是飛蓬

繡

第一句

缺三字

一片絲羅

洞房西室女工勞花隨玉指添春色

鳥逐金鍼長羽毛蜀錦謾誇聲自貴越綾虛說價功高
可中用作鴛鴦被紅葉枝枝不礙刀

西施

家國興亡自有時吳人何苦怨一作進西施西施若解傾

吳國越國亡來又是誰

自遣

得即高歌失即休多愁多恨亦悠悠今朝有酒今朝醉
明日愁來明日愁

白角篦

白似瓊瑤滑似苔隨梳伴鏡拂塵埃
莫言此箇尖頭物幾度撩人惡髮來

銅雀臺

強歌強舞竟難勝花落花開淚滿膺
祇合當年伴君死免教憔悴望西陵

鸚鵡

莫恨雕籠翠羽殘江南地暖隴西寒
勸君不用分明語

語得分明出轉難

金錢花

占得佳名繞樹芳依依相伴向秋光若教

一作交

此物堪

一作也收貯應被豪門盡劚將

梅

一本題上
有紅字

天賜胭脂一抹腮盤中磊落笛中哀雖然未得和羹便
曾與將軍止渴來

御定全唐詩卷六百五十六

欽定四庫全書薈要卷一萬八千六十二

集部

御定全唐詩卷六百五十七

羅隱

錢尚父生日

大昴分光降斗牛興唐宗社作諸侯伊夔事業扶千載
韓白機謀冠九州貴盛上持龍節鉞延長應續鶴春秋
錦衣玉食將何報一作補更俟莊椿一舉頭

寄前戸部陸郎中

出駢桑雉入朝簪瀟灑清名映士林近日篇章欺

一作期

白雪早年詞賦得黃金桂堂縱道探龍領蘭省何曾駐

鶴心離亂事多人不會酒濃花暖且閒吟

登瓦棺寺閣

下盤空跡上雲浮偶逐僧行步步愁暫憩已知須用意
漸來爭忍不回頭煙中一作鐘樹老重江晚鐸外風輕四

境秋嬾指臺城更東望鵠飛龍鬪盡荒丘

九華山費徵君所居

草堂何處試徘徊見說遺蹤向此開蟾桂自歸一作啼三

徑後鶴書曾降九天來白雲事跡依前在青瑣光陰竟
不迴盡夕為君思曩日一作昔野泉嗚咽路莓苔

途中寄懷

不知何處是前程合眼騰騰信馬行兩鬢已衰時未遇
一作興數峰雖在病相攬塵埃鞏洛虛光景詩酒江湖漫
姓名試哭軍門看誰問舊來還似禰先生

京口見李侍郎

僕僕江柳欲矜春
鐵甕城邊見故人
屈指不堪言
甲子披風常記是庚申
別來且喜身俱健
亂後休悲業盡貧
還有杖頭沽酒物
待尋山寺話逡巡

秋日酬張特玄

病寄南徐兩度秋
故人依約亦揚州
偶因鴈足思閒事
擬棹孤舟訪舊遊
風急幾聞江上笛
月高誰共酒家樓
平生意氣消磨盡
甘露軒前看水流

登高詠菊盡

一作李
山甫詩

籬畔霜前偶得存苦教遲晚避蘭蓀能消造化幾多力
不受陽和一點恩生處豈容依玉砌要時還許上金樽
陶公沒後無知已露滴幽叢見淚痕

登夏州城樓

寒城獵獵戍旗風獨倚危樓悵望中萬里山河

一作唐川

土地千年魂魄晉英雄離心不忍聽邊馬往事應須問
塞鴻好脫儒冠從校尉一枝長戟六釣弓

水邊偶題

野水無情去不一作早回水邊花好為誰開只知事逐眼

前去一作過不覺老從頭上來窮似丘軻休歎息達如周

名亦塵埃思量此理何人會蒙邑先生最有才

故洛陽公鎮大梁時隱得遊門下今之經歷事
往人非聊抒所懷以傷以謝

孤舟欲泊思何窮曾憶西來值雪中珠履少年初滿座
白衣遊子也從公狂拋賦筆琉璃冷醉倚歌筵碧玉紅
今日斯文向誰說淚碑棠樹兩成空

杜陵秋思

南望商於北帝都
兩堪棲託兩無圖
只聞斥逐張公子
不覺悲同楚大夫
巖畔早涼生紫桂
井邊疎影落高梧
一杯綠酒他年憶
瀝向青波寄五湖

隱嘗在江陵忝故中令白公叨蒙知遇今復重
過渚宮感事悲身遂成長句

往歲鄧侯鎮渚宮
曾將清律暖孤蓬
才憐曼倩三冬後
藝許由基一箭中
言重不能輕薄命地
寒終是泣春風

鳳凰池涸一作台星拆回首岐山憶至公

夜泊毘陵無錫縣有寄

草蟲幽咽樹露初圓獨繫孤舟夜已闌濁浪勢奔吳

苑急疎鐘聲徹惠山寒愁催鬢髮凋何易窮戀家鄉別漸難他日親朋應大笑始知書劍是無端

桃花

一作杏花

暖觸衣襟漠漠香間梅遮柳不勝芳數枝艷拂文君酒半里紅敲宋玉牆盡日無人疑悵望有時經雨乍一作更

淒涼舊山山下還如此迴首東風一斷腸

籌筆驛

拋擲南陽

一作鄉

為主憂北征東討盡良籌時來天地皆

同力運去英雄不自由千里山河輕孺子兩朝冠劍恨

謙周惟餘巖下多情水猶解年年傍驛流

重過隨州故兵部李侍郎恩知因抒長句

一本隨州

下有憶字

莊周高論伯牙琴間夜思量淚滿襟四海共誰言近事

九原從此負初心
鷗翻漢浦風波急
鴈下鄖溪霧雨深
慙媿蒼生還有意
解歌襦袴至如今

商於驛樓東望有感

山川去接漢江東
曾伴隋侯醉此中
歌繞夜梁珠宛轉
舞嬌春席雪朦朧
棠遺善政陰猶在
薤送哀聲事已空
惆悵知音竟難得
兩行清淚白楊風

寄城南韋逸人

杜甫詩中韋曲花至今無賴尚一作豪家一作家美人曉

向

豪

家

美

人

曉

折露沾袖公子醉時香滿車萬里丹青傳不得二年風
雨恨無涯羨他南澗高眠客春去春來任物華

梅花

吳王醉處十餘里照野拂衣今正繁經雨不隨山鳥散
倚風疑一作如共路人言愁憐粉艷飄歌席靜愛寒香撲
酒樽欲寄所思無好信為人一作君惆悵又黃昏

淮南高駢所造迎仙樓

鸞音鶴信杳難迴鳳駕龍車早晚來仙境是誰知處所

人間空自造樓臺雲侵朱檻應難到蟲一作網間窓永
不開子細思量成底事露凝風擺作塵埃

和禪月大師見贈

高僧惠我七言詩頓豁塵心展白眉秀似谷中花媚日
清如潭底月圓時應觀法界蓮千葉肯折人間桂一枝
漂蕩秦吳十餘載因循猶恨識師遲

謁文宣王廟

晚來乘興謁先師松柏淒淒人不知九仞蕭牆堆瓦礫

三間茅殿走狐狸雨淋狀似悲麟泣露滴還同歎鳳悲

儻使小儒名稍

一作粗

立豈教吾道受柄遲

代文宣王答

三教之中儒最尊止戈為武武尊文吾今尚自披蓑笠
你等何須讀典墳釋氏寶樓侵碧漢道家宮殿拂青雲
若教顏閔英靈在終不羞他李老君

重送朗

一作州張員外閻

朱輪此去正春風且駐青雲

一作門

聽斷蓬

一榻早年

容孺子雙旌今日別文翁誠知汲一作與善心長在爭奈

千時跡轉窮酬德酬恩兩無路謾勞惆悵鳳城東

廣陵秋夜讀進士常修三篇因題

入蜀歸吳三首詩藏於笥篋重於師劍關夜讀相如聽
爪步秋吟煬帝悲景物也知輸健筆時情誰不許高枝
明年二月春風裏江島閒人慰所思

逼試投所知

一作思

桃在仙翁舊苑傍暖煙輕靄撲人香十年此地頻偷眼

二月春風最斷腸曾恨夢中無好事也知囊裏有仙方
尋思仙骨終難得始與回頭問玉皇

漢江上作

漢江波浪濤於苔每到江邊病眼開半雨半風終日恨
無名無跡幾時廻雲生岸谷秋陰合樹接帆檣晚思來
對此空慚聖明代忍教纓上有塵埃

秋夜寄進士顧榮

秋河耿耿夜沈沈往事三更盡到心多病謾勞窺聖代

薄才終是費知音
家山夢後帆千尺
塵土搔來髮一簪
空羨良朋盡高價
可憐東箭與南金

寄渭北徐從事

暖雲慵墮柳垂條
驄馬徐郎過渭橋
官秩舊參荀秘監
罇罍今伴霍嫖姚
科隨鵠箭頻曾中
禮向侯弓以重招
莫恨東風促行李
不多時節却歸朝

徐寇南逼感事獻江南知己次韻

酒闌離思浩難窮
西望維揚憶數一作次公
萬里飄零身

未了一家知獎意曾同雲橫

一作遍

晉國塵應暗路轉吳

江信不通今日便成盧子諒滿襟珠淚隨霜風

寄三衢孫員外

小敷文伯見何時南望三衢渴復飢天子未能崇典誥
諸生徒欲戀旌旗風高綠野苗千頃霜冷平樓酒滿巵
盡是數旬陪奉處使君爭肯不相思

淮南送盧端公歸臺

鳳鸞勢逸九霄寬北去南來任羽翰朱紱兩參

一作驂王

儉府繡衣三領杜林官道從上

一作澤

國曾匡濟才向牢

盆始重難應笑張綱謾生事埋輪不得在長安

煬帝陵

入郭登橋出郭船紅樓日日柳年年君王忍把平陳業

只博

一作換雷塘數畝田

馬嵬坡

佛屋前頭野草春貴妃輕

一作香

骨此為塵從來絕色知

難得不破

一作得

中原未是人

柳

灞岸晴來送別頻相偎相倚不勝春自家飛絮猶無定

爭解垂絲絆路人

一作爭把長條絆得人

隋堤柳

夾路

一作岸

依依千十
里遙路人回首認隋朝春風未

借

一作惜

宣華意猶費工夫長綠條

孟浩然墓

數步荒榛

一作村

接蒨蹊寒江

一作郊

漠漠草

一作雨

淒淒

一作作

姜
鹿門黃土無多少恰到書

一作

生塚便低

秦紀

長策東鞭及海隅鼈鼉奔走鬼神趨憐君未到沙丘日

肯信人間有死無

仙掌

掌前流水駐無塵

一作痕

掌下軒車日日新謾向山頭

高舉手何曾招得路行人